



MEMORIA 2016

AIETE
KULTUR ETXEA



Erakusketa: *Lungo Drom. Ijitoen bizierak*

2016an, Aiete Kultur Etxeak sei urte bete zituen; sei urteotan, auzoko kultur topagune nagusi bihurtu da.

Kultur Etxearen espezialitatea **Giza Eskubideak eta Bakea** dira, eta, Bakearen Etxearekin lankidetzan, gai horiekin lotuta egin izan ditu **erakusketak**, modu pedagogiko eta erakargarrian. Erakusketok beste erakunde batzuekin lankidetzan antolatu ziren; besteak beste, Gernikako Bakearen Museoa Fundazioarekin, Balmasedako La Encartada Fabrika Museorekin, Acción Cultural Españolaekin, Ijito Kulturako Institutuaren Fundazioarekin, Institut Français-ekin, Courrier International-ekin, Bakeola elkartearekin eta, jakina, DSS2016EU Kultur Hiriburutzarekin.

Kultur Etxeak **Gervasio Sánchezen Emakumeak. Afganistan** erakusketarekin eman zion hasiera urteari, eta ondoren **Ijitoen bizierak** erakusketa etorri zen. Giza Eskubideen Zinemaldiarekin batera, **Bakea josiz: gatazka, arpillerak, memoria** erakusketa. Udako erakusketa **Lesbos, Europara sartzeko lehen urratsa** izan zen, errefuxiatuei buruzkoa, **Marrazkiak askatasuneanekin** batera. Gerra Zibilaren urteurrenarekin, **Oroimena bizirik** inauguratu zen, Gerrateko



Erakusketa: *Lesbos, Europara sartzeko lehen urratsa*

eta Frankismoko biktimen oroimen historikoa berreskuratzeko erakusketa. Erakusketa horiekin guztiekin batera, hainbat jarduera egin ziren: proiektzioak, hitzaldiak eta bisita gidatuak.

Izan ziren beste erakusketa batzuk ere, areto nagusian egin ez arren beren munta eta ikusleak izan zituztenak. Elkar Ipuin eta Ilustrazioen Lehiaketa dagoeneko ohikoaren VII. edizioa, saritutako marrazki sorta batekin; DBUSek Gabonetako marrazkiekin egindakoa, Emaus Gizarte Fundazioak birziklapenaren gaiaz egindakoa, Aieteko Bentaundi baserrikoa, eta abar. Miguel de Aramburu Gipuzkoar Historialarien Elkartearen eskutik, Lehen Mundu Gerraren gaia jorratu zen bi erakusketatan: **Lehen Mundu Gerra eta Donostia** eta **Espioitza Donostian Lehen Mundu Gerran**.

Ilustrazioei dagokienez, 2016an **Iñaki Martiarena Mattin, Ainara Azpiazu Axi, Concetta Probanza** eta **Unai Zoco** marrazkilariek beren mundu magikora eraman zituzten bisitariak.

Aipamen berezia merezi du Londrestik ekarritako erakusketa batek: *House of Illustration*, Quentin Blake ilustratzailearenak. **Roald Dahl** idazle galestarraren



Ilustratzailearen Txokoa: *Ainara Azpiazu "Axi"*




Haur antzerkia: *Musika margotuz*

jaiotzaren mendeurrena zela eta, haren ilustratzaile kutunena arduratu zen erakusketaz, argitara emandako marrazkiak eta baita **The BFG** liburuko argitaragabeak ere.

Donostian eta, oro har, Donostialde osoan, Aiete Kultur Etxeak erreferente izaten jarraitzen du **haurrentzako programazioan**. Urtean zehar kontu handiz hautaturiko filmak eta antzerkianak eskainiz, askotariko ahotsak haurrei hurbiltzen saiatzen da. Ospakizun bereziak ere baditu, hala nola Haurren Egun Unibertsala, Mestiza elkartearekin eta Bakearen Etxearekin batera, ekitaldi multikultural paregabea.

Bestalde, Aieten **arte-formatu berriak** sortzeko eta haiekiko sentiberatasuna lantzeko programen aldeko apustua egin da 2016an ere. Horixe egin da musika zuzenean eta zeinu-hizkuntza erabiltzen zuten ipuin-kontalarien kasuan. Horrez gainera, *Soinu Magikoak* tailerrak, txikienei musikazaletasuna goiz sortzeko, festagiroa ekarri zuen ekitaldi-aretoa. Orobat, *Musiklasik* programak ere, maila handiko artista euskal herritarrek biltzen zituelarik, musika klasikoko kontzertu erakargarriak eskaini zituen jende guztientzat, interesgarriak adituentzat eta esperimentalak artistentzat, eta tresna eta formatuen konbinazio berriak sortzeko gunea izan zen.

Auzoari dagokionez, azpimarratzekoa da Lantxabe elkartearekiko proiektu eta jardueretik lankidetzat estua: zine eta literatura-solasaldien zikloa, zenbait kultur hitzaldi urtean zehar, Manuel Matxain aietetar ospetsuari egindako omenaldia, Pedro Berriotxoak Aieteko baserri, etxe eta familiei buruz idatzitako liburuaren aurkezpena, eta abar.



Haur programazioa: *Vademekun*

Bestalde, Kultur Etxeko **liburutegiaren** zerbitzuen barruan, udal liburutegien sarea Euskadiko irakurketa-sare publikoan integratu zen, eta horrek aldaketa ekarri zuen barne-funtzionamenduan, eta egokitzealdi bat. Hala ere, zerbitzu handia eta jarduerak eskaintzen jarraitu zuen, eta jendeak harrera ona egin zion.

Haurtxoko eta Gazteleku

zerbitzuek jarduera ugari eskaini zituzten egunero, bai eta epe luzerako proiektuak ere, hala nola *Aiete paint*, Haurtxokoa apaintzen eta *Aiete Faktor*. 2016-2017 ikasturtean, Gazteleku zerbitzuak mugatu egin zuen ordutegia, eta aldatu egin zituen erabiltzaileen adinak, baina esan behar da eguneroko bisitari-kopuruak handituz jarraitu zuela, eta hiriko bisitatuena izan zela.

Azkenik, Aiete Kultur Etxeak parte hartu zuen Hiriburutzan erakusketen, **Olatu Energia** lantegien eta **Olatu Talka** jaialdiaren bidez.

Ikusirik nola jarraitzen duten haziz bai auzoak eta bai hiriak, espero dugu aurrerantzean ere erantzungo diegula hiritarren beharrei eta eskakizunei.



Musiklasik: Itziar Lujanbio, oboea; Francesca Romana di Nicola, harpa



JARDUERAK		
	KOPURUA	ERABILTZAILEAK
GUZTIRA	382	34.633
Antzerkia	11	1.271
Bideoa	75	2.511
Musika	14	1.534
Hitzaldiak	9	478
Ikastaroak eta tailerrak	50	7.835
Erakusketak	19	13.063
Elkarteen bilerak eta jarduerak	146	6.239
Areto alokairuak	1	20
Liburutegiko jarduerak	57	1.682
ZERBITZUAK		
	KOPURUA	ERABILTZAILEAK
GUZTIRA	355	70.634
Liburutegiko bisitariak		62.955
Haurtxokoa	199	4.940
Gaztelekua	156	2.739



Prestakuntza **EMAKUMEAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	25	232	4	38	21	194
2016/17 ikastaroak	25	297	3	30	22	267

Prestakuntza **GIZONAK**

	GUZTIRA		EUSKARAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
2015/16 ikastaroak	25	75	4	7	21	68
2016/17 ikastaroak	25	81	3	16	22	65

BISITARIAK GUZTIRA: 105.267